

恩忝居儒肆未辯端倪忽奉固邀多慙荒拙其詞曰

珪璋雅韻 日角仙姿 殊常傑衆 應世標奇 武經蘊抱

通變神機 龍韜暗曉 豹略生知 輪槍伏虜 仗劍雲飛

常修直實 不慕奸欺 訓齊士卒 菁練軍儀 注持雄鎮

撫育孤危 榮超都將 名透丹墀 天祿將盡 逝路來期

七州無望 五郡含悲 星愁日暗 塞上何依 娘子叫切

再覩□期 孤男失望 雉女攢眉

晉故河西應管內外諸司馬步軍都指揮使銀青光祿大夫檢校

工部尚書兼御史大夫上柱國豫章郡羅府君墓誌銘 并序

府君諱盈達字勝遷神資異貞岳立英雄久傳通變之雄才夙蘊

天聰之異衆其先著姓□自顓頊末胤受封於房州羅國故號羅

氏後一子任職燉煌子孫目官遂爲此郡人也故堂兄歸義軍管